

sucht gleichwol auch dieser Engenschafft des warmen Schweiß halber ist / so ist doch sein schweiß ungleich / offte kalt / offte warm / Aber wol
 Englisch
 Schweiß
 stets feucht vnd naß / wie dann der Englisch schweiß Anno 1528. auch
 gewesen ist / vnd die Gelehrten diese schweiß nicht vnbillich Typhodes
 nennen / von wegen ihrer grossen Naß / das nit anders / wie ein Bradem
 auß ein Kessel / oder ein Dunst auß einer grossen Lachen dämpffte vnd
 näßt / vnd billich tyrannisch vnd wütherisch / wie ein grausamer Rieß /
 der Typhæus geheissen hat / welcher er vom Donner erschlagen / vnder
 dem Berg Æthna begraben / vnd stets / wann Wind ist / Rauch vnd
 Δ flammen ausspritzt. Sonderlich dieweil so vil Jahr her stette nebz
 lische feuchte Wetter gewesen / viel Erdbidem vnd Sturmwind allent
 halben / vnd Gewässer / dis man nirgends vormals so offte geschehen
 liest. Vnd wie die Wetter stets plettern vnd regen vñ von Winden
 getrieben / Also auch vnser Leiber mit solchen gleichmässigen Seuchē
 ihm Gott seine Straf fürnimbt / vnd in vns diesen Sturmwind / Erd
 bidem vnd Regen zuricht / dardurch er dann vnser Leben in Gefahr set
 zet / Vnd wie dieser Schweiß ungleich vnd seltsam ist / also bringet er
 auch ein wunderbarlichen Kopffwehe mit sich / welchen Hippoc. Ty
 Typho-
 mania.
 phomaniam nennet / macht ein Entwalmung / die mit Hiz vnd Kält
 vermischet ist / vnd diser Kopffweh geht fast vmb / die Leut dollisirē halb
 vñ halb / schlaffen mit offnen Augē / bringē mancherley auff die Bahn /
 flagen nicht sonderlich schmerzen / Aber es verändert sich baldt. Der
 halben so du baldt im ersten Anfall / nach dem Schaudern der Haut /
 ein solchen Schweiß befindest / er sey heiß oder kalt / stinckend oder nicht /
 (dann dieser nicht ohn Ursach herkompt.) Ist dieser Schweiß sehr
 kalt / vbel schmeckend / so hab des Kranken wol in acht / dann er stirbe
 entweder / oder der morbus wirdt sich gewiß lang erstrecken / teste Hip.
 aph. 4. aph. 37. Dann solche grosse Kälte vnd vergiffte Säul erster
 Kälter
 Schweiß
 cket die natürlich Hiz / vnd der kalt Schweiß sey dir allzeit verdächtig /
 sonderlich so er mit Zähnlappen daher bricht / vnd sehr angst vñ bang
 vmb's Herz ist. Vnd die also schwitzen / empfinden erstlich in Füßen
 vnd Händen fornen in Nägeln schmerzen / wie solchs im Englischen
 Schweiß auch geschehen ist. So das Zähnlappern angehet / soll
 Sudorife-
 rum.
 Federbettcken in fein Federbet legen / sonder sonsten von Madrazen oder leinen
 gewandt